

EN DROHM Text und Musik: Bernhard Hotz

Kinna die lacha, donza unn spiela, mit ihrena Schaufla am Sandkaschda wihla.
Religion unn Farb die spiela koi Roll, wass Neies entdecka, des finna sie toll.
Die Sproch kummt vum Herza, mit Sinn unn Vastond, spiela mit anonna.
Unn gewwa sich d'Hand unn gewwa sich d'Hand.

Kriegles spiela, Waffa eisetza, Lewa zerstöra unn Menscha valetza.
Bomba die uff Heisa kracha, schüra Träna unn lassa uns hassa,
Warum isch die Menschheit noch imma so bleed, die sodes doch wissa,
dass ah onnarschda geht, dass ah onnarschda geht.

An Drohm, an Drohm werd richtich woar, mir missa glaawa droh.
An Drohm, an Drohm werd richdich woar, setze a Zaicha davor.
An Drohm, an Drohm werd richdich woar, mir missa steh davor,
for an Drohm, oh, an Drohm for an Drohm.

Menscha die z'saamma die Zukunft kreiera, Konflikte ohne Waffa diskutiera,
Leit, die vasucha sich zu vasteh, mit Aastand unn Respekt zuanonna geh.
Heert endlich uff, bloos an eich zu denka, Raffgier muss weg,
duud Liebe vaschenka, duud Liebe vaschenka.

D'Natuur oogucka, lerna vasteha, dann dääda ma vieles onarschda seha.
Reißt Grenzzäun ab, dud Bricka iwwawinna, nemmt eich a Beispiel an unsara
Kinna.

Unn lebt eia Lewa unn seid tolerant, nemmt eich en da Arm,
unn gebt eich die Hand, unn gebbt eich die Hand.

En Drohm ...